



Opis posla - TOR

“Izrazi koji su radi preglednosti dati u jednom gramatičkom rodu u ovom pozivu se bez diskriminacije odnose i na muškarce i na žene.”

Pozicija: Konsultant za pružanje usluge izrade curriculumuma za dvodnevnu radionicu za organizacije osoba s invaliditetom na temu izrade strategije zagovaranja, i mentorisanje pisanja strategije

Period: Posao na određeno vrijeme

Tip ugovora: Ugovor o djelu

Supervisor: Regionalna koordinatorica MyRight, Projekt koordinatorica MyRight

O MYRIGHT-u

MyRight – Empowers people with disabilities je švedska je nevladina organizacija koja okuplja organizacije osoba s invaliditetom s ciljem sprovođenja programa podrške organizacijama osoba s invaliditetom širom svijeta. Trenutno MyRight implementira međunarodne programe podrške koji se implementiraju u Bosni i Hercegovini, Boliviji, Nikaragvi, Nepal, Šri Lanki, Tanzaniji, Ruandi, Gani i Namibiji.

MyRight-ova vizija je svijet u kojem sve osobe s invaliditetom uživaju jednaka prava i mogućnosti dostojanstvenog života bez siromaštva u inkluzivnim društvima.

Cilj rada MyRight-a u Bosni i Hercegovini je jačanje kapaciteta osoba s invaliditetom i njihovih organizacija da se efikasno zalažu za prava osobe s invaliditetom i osnažuju članove svojih ciljnih skupina. Kao dio programa izgradnje kapaciteta MyRight također koordinira projekte koje finansiraju različiti donatori.

O RADIONICI I IZRADI STRATEGIJE

Radionica se kreira s ciljem jačanja kompetencija organizacija osoba s invaliditetom na području zagovaranja. MyRight je, zajedno s partnerskim organizacijama tokom zadnjih nekoliko godina, identificirao oblasti u kojima organizacije osobe s invaliditetom trebaju dodatna educiranja, te bi na osnovu identificiranih područja, kreirao i provodio radionice, uvijek s jasnim ishodom. Za ovu godinu su identificirane dvije oblasti, zagovaranja i namicanje sredstava, a ovaj poziv se odnosi na područje zagovaranja. Iako su partnerske organizacije u proteklih nekoliko godina odlično napredovale u procesima zagovaranja, potrebno je zagovaranje dovesti na razinu razvijenog strateškog dokumenta, što će omogućiti provođenje, praćenje i mjerenje zagovaračkih aktivnosti u skladu s usvojenom strategijom zagovaranja. Identificiranje oblasti na kojima će organizacija da bazira dalje svoju strategiju zagovaranja je prvi ključni korak, a sama strategija treba da pomogne da organizacija drži fokus, i da može razvijati i implementirati aktivnosti koje će dovesti do ostvarivanja ciljeva unutar strateški identificirane oblasti zagovaranja.

SVRHA POSLA I KLJUČNE AKTIVNOSTI KONSULTANTA

Svrha posla konsultanta je da izradi curriculum i provede radionicu na kojima će predstavnici organizacija osoba s invaliditetom usvojiti znanja o izradi strategije zagovaranja, te ih samostalno primjeniti na izradi te strategije za organizacije iz kojih dolaze.

U tu svrhu potrebno je da konsultant:

- kreira detaljan curriculum, plan i program rada na radionici, koji će polaznicima donijeti neophodna znanja i tok izrade strategije zagovaranja na način da je mogu samostalno kreirati nakon što završe radionice;



- obezbjedi polaznicima neophodne materijale za njihov samostalan rad nakon završene radionice;
- radi follow-up s polaznicima koji moraju dostaviti svoju strategiju u roku od 20 dana po završetku radionice;
- organizuje mentorske sesije 1-na-1 s polaznicima nakon što su dostavili svoju strategiju, te šalje svoje komentare na poslanu strategiju u pisanom obliku.

Pripremu curriculumuma, kao i provođenje radionice konsultant radi pod supervizijom projektnog tima MyRight-a. Konsultant dostavlja detaljan izvještaj nakon održane radionice (u roku od 5 dana po završetku radionice), kao i nakon svake održane mentorske sesije (u roku od 2 dana).

Cilj je da sve organizacije osoba s invaliditetom koje su imale svoje predstavnike na radionici imaju završenu strategiju zagovaranja u formi dokumenta koji će se proslijediti upravljačkim strukturama tih organizacija na usvajanje.

POTREBNE VJEŠTINE, KOMPETENCIJE I ISKUSTVO

- Akademska diploma iz društvenih nauka;
- 10+ godina konsultantskog iskustva na izradi strategija;
- 5+ godina mentorskog iskustva na izradi strategija;
- Iskustvo u radu na pitanjima zagovaranja;
- Iskustvo i upoznatost s ljudskim pravima osoba s invaliditetom;
- Iskustvo u vođenju obuka odnosno držanju treninga za predstavnike civilnog društva;
- Dobro razumijevanje konteksta u kojem djeluju organizacije civilnog društva u BiH;
- Razvijene vještine komunikacije i prezentacije;
- Spremnost za rad poštivanjem strogih rokova;
- Iskustvo u radu sa međunarodnim donatorima.

PLAN REALIZACIJE ZADATKA

Podnošenje prijava (elektronskim putem)	25. juni 2021.
Potpisivanje ugovora	do 30. juna 2021.
Rok za završetak	30. oktobar 2021.

PLAN ISPLATE

Isplata će se izvršiti na osnovu prihvaćenih rezultata. Iznosi i datumi transfera bit će dogovoreni i ugovorom definisani.

VLASNIČKA PRAVA

MyRight ima pravo na trajno intelektualno vlasništvo nad svim materijalima koje konsultant proizvede i koji su povezani ili su proizašli iz djela izvedenog kroz ovaj poziv.

PRISTUPAČNOST

Konsultant mora poštovati potrebe za pristupačnošću osoba sa različitim invaliditetom i obratiti posebnu pažnju o svim aspektima pristupačnosti.



PODNOŠENJE PRIJEDLOGA-PONUDE

Svi zainteresovani, moraju dostaviti ponudu najkasnije **25. juna 2021. godine do 17,00 sati**, koja treba da sadrži:

- Tehnički prijedlog, koji treba da ukratko i jasno opiše sljedeće aspekte: razumijevanje zadatka i preliminarnu metodologiju i pristup za provođenje posla, preliminarni plan rada i vremenski okvir.
- Finansijski prijedlog: dnevne naknade za konsultanta i svih ostalih procijenjenih troškova za provedbu posla.
- Biografiju (CV), koja će predstaviti i listu referenci – pregled radnog iskustva ili pruženih konsultantskih usluga u vezi sa zadatim poslom, dostavljanjem primjerka sličnog posla kao dokaz.

Prijave treba dostaviti na e-mail adresu: info@myright.ba

Bit će kontaktirani samo oni podnosioci ponuda koje su odabrani i čija ponuda je uzeta u razmatranje.